



## Universitätsbibliothek Paderborn

### **Cornelii Iansenii Episcopi Iprensis Avgvstinvs**

In quo hæreses & mores Pelagij contra naturæ humanæ sanitatem, ægritudinem & medicinam ex S. Augustino recensentur ac refutantur

**Jansenius, Cornelius**

**Lovanii, 1640**

5. Quænam sint illa merita gratiæ: nempe prima boni cupiditas, seu conversio, fides, oratio.

**urn:nbn:de:hbz:466:1-13650**

Quanam sint illa merita gratiæ: nempe, prima boni cupiditas, seu conversio, fides, oratio.

CAPVT QVINTVM.

**S**ED quanam illa liberi arbitrij merita, quibus gratia rependi debet? neque enim existimandum est, tunc temporis Pelagianos quodlibet opus indifferenter viribus libertatis asseripsisse, cui gratia deberetur.

In primis itaque libero arbitrio tribuunt velle bonum; cuius bonæ voluntatis merito ipsum posse & facere tribuatur. Nam multa volumus que non possumus, cum primum ad iustitiam ab iniquitate convertimur, repugnante scilicet novæ voluntati vetustâ peccandi consuetudine: Vnde Augustinus: *Isi volunt in homine ab ipso homine incipere cupiditatem boni, ut huius capti meritum, etiam percipiendi gratia consequatur.* Quæ erroris Pelagiani sensum inde colligit, quia Catholicos carpunt, quod invito & reluctanti homini inspirari dicant, non quantumque boni, sed & ipsius imperfecti cupiditatem; ut scilicet jam non sit reluctans, non sit invitus, sed consentiens bono & volens bonum. Vnde patet quod primam illam hominis conversionem ad Deum, seu primam bonam voluntatem, sive bene vivendi, sive etiam credendi, Deo præcipiunt, atque homini tribuunt. Magis hoc ex Divi Augustini clarescit refutatione, qua contra Pelagianos primam illam boni cupiditatem Deo vindicat, & libero hominis extorquet arbitrio. *Dic mihi obsecro, inquit, quid boni Paulus adhuc Saulus volebat, ac non potius magna mala, quando spirans eadem &c. quibus meritis bona voluntatis Deus illam ab his malis ad bona mirabili & repentina vocatione convertit? Et paulo post: Vtrum iam volenti credere pro meritis bonæ voluntatis hoc datur: an potius ut credit ipsa voluntas, sicuti Sauli desuper excitatur, etiam si tam sit aversus à fide, ut credentes etiam persequatur? Hoc est ergo quod, ut Augustinus observat, Pelagiani dicunt; non hominem seu hominis voluntatem in bonam opus excitari, nempe ut ex nolente velit, sed tantummodo in bono opere jam scilicet volito atque inchoato, à Dei gratia semper adjuvari. Hoc est quod invidiosa pharisi Catholicos perstringendo negant, ex Dei potentia in bonum invitum aliquem cogi, hoc est neminem ex invito & repugnante Dei gratia & potestate volentem fieri. Hoc est quod confitentur: Gratiam adjuvare iniuscuiusque bonum propositum, non tamen reluctanti studium virtutis immittere. Hoc est quod Scripturam non intelligendo crepant: *Homini est preparare cor, & à Domino responsio linguæ.* Existimant quippe sententiam eorum in lucem proferente Augustino: *Cor preparare, hoc est, bonum inchoare sine adiutorio gratiæ Dei ad hominem pertinere.* Hoc est quod sine ambiguitatis obscuro Augustinus dicit: *Talia de Scripturis colligunt, quale est hoc unum, quod paulo ante dixi; Convertimini ad me &**

**A** convertar ad vos, ut secundum meritum conversionis nostræ ad Deum, detur gratia eum, in qua ad nos & ipse convertitur.

Secundo ascribunt homini seu libero arbitrio ejus fidem: quæ tamen ipsa etiam ad illam primam conversionis voluntatē pertinet. Nam initio fidei est etiam ut Augustinus dicit, *Initium bonæ, hoc est piæ voluntatis.* De ista fide sic Pelagius in ultima omnino Epistola quam ad Innocentium scripsisse reperitur, sed eo defuncto successori ejus Zozymo, qui eum condemnavit, est tradita: *Illi (non Christiani) ideo in dicendi atque damnandi sunt, quia cum habeant liberum arbitrium per quod ad fidem venire possent, & Dei gratiam promereri, male vivuntur libertate concessi. Illi vero remunerandi sunt, qui bene libero utentes arbitrio, promerentur Dei gratiam (credendo scilicet) & eius mandata custodiunt.* Ecce manifeste docet fidem esse meritū gratiæ, qua mandata custodiuntur, tamen non satis clare dicat, quam gratiam intelligi velit. Pelagium secutus est Iulianus, qui magno conatu asserit, *Promissionem que facta est ad Abraham, hoc est dilagationem seminis, fuisse suspendium fidei: Nec ita credulitatis recepisse mercedem, ut alios similiter credentes à prami consortio putaret excludere.* Ab illa vero fide siue credendi voluntate gratiam omnino repellebat, ut ex Augustino errorem ejus resillente manifestum est, quod si nolissent (sestari fidem Abraham) evacuaretur promissio, admodum, inquit, ut intelligatis cui gratiæ sitis inimici, negando operari Deum voluntates in mentibus hominum, non ut volentes credant quod absurdissime dicitur, sed ut volentes ex nolentibus fiant.

Denique orationem, quæ ex fide funditur ad impetrandam gratiam etiam homini tribuunt. Nam Augustinus asserit Pelagianos dicere, *Id ipsum meritum esse, quia orando sit dignus, cui gratia divina subveniat.* Et utramque simul, orationem fidemque conjungentes, bona voluntas, inquit, *præcedit orantis, quam præcessit voluntas credentis, ut secundum hæc merita, gratia sequatur exaudientis c. 14. Dei.* Et hæc orandi pulsandique sollicitudo est illud studium virtutis quod reluctantiibus à Deo immitti negant. Nam reprehendens Augustinum Iulianus calumniatur eum dicere: *Nihil studij expectari ab humana voluntate debere, contra illud Evangelicum quo ait Dominus, petite & accipietis, quærte & invenietis, pulsate & aperietur vobis. Omnis enim qui petit accipit &c. Cuius mentem eruens & interpretans Augustinus: Ibi enim vos, inquit, ut video, ponere iam cepistis merita gratiam præcedentia, quod est petere, quærere, pulsare, ut hu meritis debita illa reddatur, ac sic gratia maniter nuncupetur. Cum autem dicit, ponere iam cepistis, perspicue indicat in dogmatibus Pelagianis recenter factam esse mu-*

*Lib. 2. ad Bo nis. c. 8.*

*Lib. 1. ad Bo nis. c. 19.*

*Ibid.*

*Ibid. c. 18.*

*Lib. 2. ad Bo nis. c. 10.*

*Proverb. 16 in cap. 70.*

*Lib. 2. ad Bo nis. c. 9.*

*Lib. de grat. & lib. arbit. c. 17.*

*Epist. 107. in fine.*

*Epist. 107. in fine.*

*Lib. 2. ad Bo nis. c. 364.*

*Ibid. f. 351.*

*Lib. 4. ad Bo nis. c. 11.*

*Lib. de grat. & lib. arbit. c. 14.*

*Lib. 2. ad Bo nis. c. 10.*

*Lib. 4. cont. tal. c. 8.*



esse mutationem. Quæ non videtur fuisse alia, nisi quod ante, totam iustitiam humanis viribus asserberent, deinde orationem dumtaxat ex fide quæ sine præcedente bona voluntate esse non potest.

Hanc Hæresis Pelagianæ mutationem respicit Augustinus, quando carnalis hominis & inflati, hoc est cuiuspiam Pelagianis cogitationes aut voces notat, quibus gradatim dicunt: *Discernit me fides mea, discernit me oratio mea, discernit me iustitia mea.* Et ordinem ipsum tangens quo dogmata sua interpolantur in Epistola ad Sixtum, quæ statim ab hæresi damnata scripta est, se Scripturarum testimonij probasse dicit: *Et bona opera nostra, & piæ orationes, & rectam fidem; nullo modo in nobis esse potuisse nisi hæc accepimus à Deo.* Et iterum eadem recta serie: *Nec quisquam dicat, inquit, meritis operum suorum, vel meritis orationum suarum, vel meritis fidei suæ sibi traditam Dei gratiam ut putetur verum esse quod illi hæretici dicunt, gratiam Dei secundum merita nostra dari, quod omnino falsissimum est.*

Ex ijs quæ diximus maximeque postremis Pelagianorum verbis, *Discernit me fides mea* & c. perspicuum esse puto totam cum Pelagianis descriptionem eo tandem fuisse conversam, ut constaret uter discerneret hominem, hoc est, uter inciperet in mutanda hominis voluntate de mala in bonam, homo an Deus. Etenim si obtinere potuissent aliquid quodcumque tandem, sive orationem, sive fidem, sive ipsam etiam bonam voluntatem prius ab homine dari Deo, ut retribuatur ei, profecto vicissent Pelagiani, totaque hæresis illa etiam in vindicanda sibi perfecta iustitia triumphasset. Esset enim illa non gratiæ divinæ munus, sed effectus hominis, quem volendo, credendo, pul-

landove meruisset. Quo collimasse Pelagianos satis declarat Augustinus, cum dicit: *Quid est ergo quod secundum meritum vestrum effectum volentis humanæ, dona cælestia me cred. detur nuncupasse, tanquam voluntas hominis sine Dei gratia moveretur ad bonum, ut ei debitas à Deo retribuere-tur effectus?* Hanc ergo extremam tabulam, qua tota illa impietas iterum esse salva potuisset, ut eis extorqueret Augustinus, omnes disputandi vires ut supra diximus in postremis suis operibus contrahit, non ut gratiam operandi iustitiam quæ jam fidelibus & iustificatis datur, sed eam quæ omnes hominis conatus, orationes & voluntates prævenit, ex Ecclesiæ precibus & Scripturis asserendo stabiliat. Tunc enim præveniens non consequens; excitans non adjuvans; operans non cooperans à Pelagianis negabatur.

Cur autem illam primam gratiam tantopere abhorruerint, tunc dicitur oportunius, cum ad Semi-Pelagianos ventum fuerit. Nam ex ijs quæ proxime asserimus facile constare potest, Pelagianos tandem in hoc quarto statu in errore Massiliensium declinasse, vel potius Massilienses errorem suum, Catholicis quibusdam veritatibus intertextum ex illo quarto hæresis Pelagianæ statu esse mutatos. Illud quippe inchoationis meritum, cui Deus tanquam præmium gratiæ suæ auxilium tribueret, ita Semi-Pelagianis seu Massiliensibus proprium fuit, ut tamen ex Pelagiano fonte derivaverint. Planissime siquidem Augustinus adversus Pelagianos instruens Valentinum dicit: *In quarum, Pelagianorum, errorem cadit, qui putat aliquo merito humano gratiam Dei dari.* Et Prosper Magistro succinens Pelagianam hæresim è sepulchro confitentem inducit.

Epist. 1. ad Val. & Melan. Adru-metinos.

Ibid. in Epist. 1. ad Valent.

Ibid.

Lib. 4. cont. l. 1. c. 3.

Epist. ad Val. l. 1. c. 3.

In Epistol. Hæres. Nestor. & Pelag.

*Nam si quæ Domini data munera sero fatemur  
Hæc homini credis debita, noster eris.*

Christum volunt ex meritis liberi arbitrij factum esse Deum. Haustus ille error ex Origene.

CAPVT SEXTVM.

NAM postquam Pelagiani gratiam Christi ad bene vivendum utilem clamoribus Catholicorum agnoscere compulsi sunt, tanti fuerunt præcones meritorum, quibus eam tollerent ac

destruerent, ut etiam ipsi Christo Domino divinitatem ex meritis collatam esse contenderent. Testis est luculentus hujus impietatis Prosper, apud quem error Pelagianus ita loquitur.

*Nam Christum pietate operum & mercede volentes  
Esse Deum, in Capitis fodere non stetimus.*

In Epistol. Hæres. Nestor. & Pelag.

STAVT W W W  
ANGENI